



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

70. Universis, & singulis &c. Monitorium die 17. Maii 1719. expeditum
contra Antonium Bontempo assertum Fiscalem Curiaë Abbatialis S.
Benigni, Dominicum Ruffina, Georgium ejus Filium, & Ignatium ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

& Constitutionibus Apostolicis, & præsertim in Bullâ die Cœnæ Domini quotannis legi, & publicari solitâ contentas damnabiliter incurrendo. Fuimus proinde pro parte, & ad instantiam supradicti Illustrissimi Domini Gasparis Turchi Sanctissimi Domini Nostri Papæ, & Reverendæ Cameræ Apostolicæ Commissarii Generalis instanter, & debitè requisiti, quatenus sibi in præmissis de opportuno juris remedio providere, ad sententiam scilicet declaratoriam nullitatis omnium, & singulorum à præfato asserto Judice Victorio Amedeo Trona hæcenus gestorum, ac in futurum, ab ipso, sive aliis quibuscumque similibus Usurpatoribus iniquè gerendorum devenire, Literasque monitorias contra eundem Victorium Amedeum ad personaliter vel legitime comparandum decernere, & concedere dignemur. Nos itaque petitioni hujusmodi tanquam justâ, & rationi consonæ annuentes, vigore præsentium, nulla, irrita, inania, nulliusque roboris, & momenti juxta Sacrorum Canonum, Conciliorum, & Apostolicarum Constitutionum statuta declaramus, ac publicè denunciamus omnia, & singula per dictum assertum Judicem usque nunc de factò, ut præmittitur, gesta, ac in futurum, etiam ab aliis gerenda, Literasque monitorias contra eundem, ut petitur, decernimus, & relaxamus. Quocirca vobis omnibus, & singulis supradictis, & vestrum cuilibet in solidum tenore præsentium committimus, & in virtute Sanctæ Obedientiæ strictè præcipiendo mandamus, quatenus statim visis, & receptis præsentibus, & postquam præsentium vigore fueritis requisiti, seu alter vestrum requisitus fuerit, ex parte nostrâ, immò veriùs Apostolicâ auctoritate supradictum Victorium Amedeum Trona moneatis, citetis, & requiratis, ac moneri, & requiri faciatis, eidemque præcipiatis, & mandetis, prout Nos eundem harum serie citamus, monemus, & requirimus, eique præcipimus & mandamus per præsentem primo, secundo, & tertio peremptorio termino; quatenus infra quadraginta quinque dierum spatium ab executione præsentium computandorum, quorum quindecim pro primo, alios quindecim pro secundo, & alios quindecim pro tertio, ultimo, & peremptorio termino, ac trinâ Canonicâ monitione assignamus, & vos assignetis, debeat Romæ coram Nobis personaliter, vel legitime comparuisse, & comparere ad deducendum, & allegandum causam quare non debeat in omnes, & singulas censuras, & pœnis in Sacris Canonibus, Conciliis, & Constitutionibus Apostolicis, & præsertim in Bullâ in die Cœnæ Domini quotannis legi, & publicari solitâ contentas, inflictas, impositas, & comminatas incidisse, & incurrisse declarari, & contra eum literas declaratorias quasumque desuper necessarias, & opportunas decerni, & relaxari. Certificantes eundem Victorium Amedeum Trona sic monitum, requisitum, & citatum, quòd si in præsentis Monitorii termino non comparuerit, seu comparere neglexerit, vel distulerit, Nos nihilominus ad declaratoriam sententiam incursum in censuras, & pœnas prædictas, illiusque executionem inclusivè, prout Juris fuerit, per Contradictas, vel Edictum publicum procedemus, ejus contumaciâ, vel absentia, & aliis quibuscumque non obstantibus. Et cum excessus prædicti patrati fuerint, & sint in jurisdictione, & Territorio Abbatiâ Sancti Benigni, & valde notoria sit violenta occupatio jurisdictionis Sedis, & Cameræ Apostolicæ, quæ nihilominus ad supererogationem comprobata remanet; cumque pro præsentis nostro Monitorio exequendo turis non pateat accessus ad personalem executionem faciendam; propterea vo-

luntus, & auctoritate nostrâ decernimus hoc idem Monitorium contra prænominatum Victorium Amedeum Trona per affixionem, & dimissionem ejus copiarum ad valvas Basilicæ Principis Apostolorum S. Petri in Vaticano, & Magnæ Curie Innocentianæ, nec non ad valvas Ecclesiarum Terrarum, & Locorum Abbatialium Sancti Benigni exequi, & publicari, quo sic exequuto, publicato, & in actis infrascriptis nostri Secretarii legitime reproducto, ita eundem monitorium arctare, & adstringere perinde valeat, ac si personaliter, & magis legitime executum foret, contrariis quibuscumque non obstantibus. In quorum fidem &c. Datum Romæ ex Magnâ Curia Innocentianâ hac die 29. Septembris 1716.

Jo. Cardinalis Patritius Pro - Thesaurarius Generalis, & Specialiter Delegatus.

Jo. Antonius Tarbaglia R. C. A. Secr.

Die 16. Aprilis 1717. Elapsis terminis in antecedente Monitorio præfixis, aliisque servatis de stylo Curie servari solitis, lita, & publicata sunt contra præfatum Victorium Amedeum Trona contumacem Sententia declaratoria incursum in omnes, & singulas censuras, ac pœnas in eodem Monitorio contentas, & comminatas.

Eademque die decretâ, relaxata, typis impressâ, & consueto locis Urbis affixa fuit publica Schedula - Cedoloni - nuncupata, qua idem Victorius Amedeus Trona univ. rps. Christianis denunciatus fuit excommunicatus vitandus, ac in eventum privatus Ecclesiastica sepultura.

MONITORIUM

VII.

Die 17. Maii 1719. expeditum contra Antonium Bontempo assertum Fiscalem Curie Abbatialis S. Benigni, Domini-um Ruffina Georgium ejus filium, & Ignatium Bontempo Justitiæ Executores ob læsam Immunitatem Ecclesiasticam, ac violatam jurisdictionem, & Auctoritatem Sanctæ Sedis Apostolicæ.

Carolus Collicola Protonotarius Apostolicus Sanctissimi Domini Nostri Papæ, & ejus Reverendæ Cameræ Apostolicæ Pro - Thesaurarius Generalis, & quorumcumque Spoliorum, & Jurium Abbatiarum, & Beneficiorum Ecclesiasticorum vacantium in tota Italia Collector Generalis & Specialiter à Sanctissimo Domino Nostro Papa Delegatus.

UNIVERSIS, & singulis RR. DD. Abbatibus, Prioribus, Præpositis, Archidiaconis, Scholasticis, Cantoribus, Custodibus, Thesaurariis, Sacristis, tam Parochialium, quàm Collegiarum Rectoribus, seu earundem Plebanis, Vice-plebanis, Curatis, & non Curatis, cæterisque Presbyteris, nec non Clericis, & Tabellionibus quibuscumque, illique, vel illis, ad quem, vel ad quos præsentis nostræ literæ pervenerint, seu quomodolibet præsentabuntur, salutem in Domino &c. Noveritis fuisse nuper coram Nobis comparitum pro parte, & ad instantiam Illustrissimi D. Joannis Caroli Pioncastelli Sanctissimi Domini Nostri Papæ, & Reverendæ Cameræ Apostolicæ Commissarii Generalis omni meliori modo Principalis, & prævis probacionibus assumptis expositum, & deductum, quod præter ea, quæ Administræ Laicæ Potestatis Taurinensis contra Immunitatem Ecclesiasticam attentant,

& in aliis nostris Monitoriis literis contemporaneè expeditis expressa leguntur, alia quoque ab eisdem, ceterisque nominandis perpetrata fuerunt. Accessit enim die 2. Junii anni 1718. ad locum Felecti jurisdictionis vacantis Abbatiae S. Benigni Antonius Bontempo assertus Fiscalis Curiae Abbatialis, qui utens usurpatâ autoritate improbè sibi collatâ per Taurinensem Potestatem pluribus armatis Hominibus eum comitantibus, nempe Dominico Ruffina, Georgio ejus filio, & Ignatio Bontempo Justitiæ Executoribus, nonnullisque Militibus infecutus fuit Joannem Avenatum præsentem delinquentem, in quem eò tunc fugientem iidem Birruarii, & Milites plures archibus, & explosivis, ipsique lethalibus vulneribus lauciarunt, qui tamen sic vulneratus ad Ecclesiam Parochialem confugit. Verùm præfatus assertus Fiscalis Antonius Bontempo dedit in mandatis eisdem Justitiæ Executoribus, ac Militibus nondum notis ut januas dictæ Ecclesiæ obsiderent, prout illicò Homines præfati januas illius Ecclesiæ, ne cuiquam in eam ingressus, vel egressus ab ea peteret, sub cautâ custodiâ tenuerunt usque ad sequentem diem tertiam dicti mensis Junii, qua dictus Joannes Avenatus omni humano auxilio destitutus causâ receptorum vulnerum ex hac vitâ in eodem immuni loco decessit: Eandemque custodiâ usque ad aliam sequentem diem continuarunt in maximam injuriam, & contemptum Ecclesiasticæ Immunitatis, rebisque aliis; prout ex Processu desuper constructo, ad quem &c. singula singulis &c. super quibus &c. Quamobrem ad Instantiam, & pro parte dicti Illustrissimi Domini Joannis Caroli Piancastelli Commissarii Generalis fuimus instanter, & debitè requisiti, quatenus de opportuno juris remedio providere, & monitoriales literas extra Romanam Curiam, & ad Partes ad legitime comparandum decernere, & concedere dignemur. Nos igitur Carolus Collicola Pro-Theaurarius, & Judex Delegatus sedulo spectantes eam execrabilem læsionem Ecclesiasticæ Immunitatis, per excubias militares ante fores Ecclesiæ, ut præmittitur commissam, proindeque attendentes requisitionem hujusmodi Nobis factam fore, & esse justam ac rationi consonam, cumque justa petenti non sit denegandus assensus, prædictas literas monitorias contra delinquentes concedendas fore, & esse duximus, & per præsentem mandamus. Quocirca committimus, & in virtute Sanctæ Obedientiæ strictè præcipiendo mandamus vobis omnibus, & singulis, ac vestrum cuilibet insolidum tenore præsentium, quatenus visis iisdem præsentibus &c. supradictos Antonium Bontempo assertum Fiscalem Curie Abbatialis, Dominicum Ruffina, Georgium ejus filium, & Ignatium Bontempo Justitiæ Executores citetis, moneatis, & requiratis ac moneati, citati, & requiri faciat, prout nos eosdem, & eorum quemlibet harum serie citamus, moneamus, & requirimus, quatenus infra sexaginta dierum spatium ab executione præsentium computandum, quorum viginti pro primo, alios viginti pro secundo, & alios viginti pro tertio, ultimo, & peremptorio termino, ac trinâ canonicâ monitione assignamus, & vos assignetis, debeant, & ipsorum quilibet, prout eos tangit, debeat Romæ coram Nobis personaliter, vel legitime comparuisse, & comparere ad deducendum, & allegandum causam, quare non debeamus ipsos, & eorum quemlibet in omnes, & singulas censuras, & penas contra prædicta, & similia committentes in sacris Canonibus, Conciliis, & Apostolicis Constitutionibus contentas, inflictas, impositas, & comminatas incidisse declarare, & contra eos, & illorum quemlibet literas declaratorias quascumque desuper necessarias, & op-

portunas, decerni, & relaxari, deque eorum Innocentiâ, si quæ sit, legitime docuisse, præsentique nostro Monitorio omnino paruisse. Certificantes eosdem Antonium Bontempo, aliosque prædictos sic citatos, & monitos, quòd si in dicto termino ipsis præfixo legitime non comparuerint, vel aliquis ipsorum non comparuerit, Nos nihilominus ad ulteriora ad declarationem scilicet incursum penarum prædictarum usque ad sententiam, illiusque executionem inclusivè, prout juris fuerit, per Contradictas, vel Edictum publicum procedemus, eorum contumaciâ, vel absentia, aliisque quibuscumque non obstantibus. Et cum, ut notorium est, non sit tutus accessus ad effectum personaliter citandi omnes, & singulos in præfati Monitorio nominatos: Proinde volumus, quòd præfens Monitorium contra omnes in eo expresso expeditum, ac executum mediante affixione, & dimissione ejusdem copiarum ad valvas Basilicæ Principis Apostolorum S. Petri in Vaticano, & Magnæ Curie Innocentianæ, nec non ad valvas supradictæ Parochialis Ecclesiæ loci Felecti, ita eosdem monitos, & eorum singulos arctet, & adstringat perinde, ac si personaliter, & magis legitime executum foret. Contrariis quibuscumque non obstantibus. In quorum fidem &c. Datum Romæ ex Magnâ Curia Innocentiana Anno à Nativitate D. N. Jesu Christi millesimo septingentesimo decimo nono, Indictione duodecima, die verò decima septima mensis Maii. Pontificatus autem Sanctissimi in Christo Patris, & D. N. D. Clementis Divinâ Providentiâ Papæ XI. Anno decimo nono.

Carolus Collicola Pro-Theaurarius, Collector Gen., & Judex Delegatus.

Antonius Cajetanus Frosius R. C. A. Sec.

Die, Mense, & Anno, quibus supra; supradicta litera Monitoriales affixa, & publicata fuerunt ad valvas Basilicæ Principis Apostolorum, Magnæ Curie Innocentianæ, ac aliis locis consuevis Urbis per me Franciscum Baldum Apostolicum Cursorem.

Joannes Triphellius Magister Curf.

MONITORIUM

Die 17. Maii 1719. expeditum contra Advocatum Victorium Amadeum Trona assertum Judicem temporalis jurisdictionis Abbatiae S. Benigni, Notarium Vincentium Ferretum, Dominicum Ruffina, Georgium ejus filium, & Andream Fresa Birruarios, N. Fratrem d. Advocati Trona, N. Officalem Militum, Notarium Franciscum Antonium Josephum Umberto, & assertum Fiscalem Antonium Bontempo ob læsam Ecclesiasticam Immunitatem, & turbatam jurisdictionem locorum ejusdem Abbatiae ad S. Sedem Apostolicam, Summumque Romanum Pontificem pertinentem.

Carolus Collicola Prothonotarius Apostolicus Sanctiss. Domini Nostri Papa, & ejus Reverenda Camera Apostolica Pro-Theaurarius Generalis, quorumcumque Spaliorum, & Jurium Abbatiarum, & Beneficiorum Ecclesiasticorum vacantium in tota Italia Collector Generalis, & specialiter à Sanctissimo Domino Nostro Papa Delegatus.

Universis, & singulis RR. DD. Abbatibus, Prioribus, Præpositis, Archidiaconis, Scholasticis, Cantoribus, Custodibus, Theaurariis, Sacristis, tam Parochialium, quàm Collegiarum

Rec-